



O'ZBEKISTON RESPUBLIKASI SOG'LIQNI
SAQLASH VAZIRLIGI
ANDIJON DAVLAT TIBBIYOT INSTITUTI
REKTORINING BUYRUG'I

23 iyul 2026 yil.
Sh-01/08/1957-son

Andijon shahri

2026/2027 o'quv yilida klinik
ordinatura (rezidentura)ga
qabul qilish to'g'risida

O'zbekiston Respublikasi Prezidentining 2020-yil 7-apreldagi "Tibbiy-sanitariya sohasida kadrlarni tayyorlash va uzluksiz kasbiy rivojlantirishning mutlaqo yangi tizimini joriy etish chora-tadbirlari to'g'risida"gi PQ-4666-son va 2024-yil 22-yanvardagi "Sog'liqni saqlash sohasida islohotlarni chuqurlashtirish bo'yicha qo'shimcha chora-tadbirlar to'g'risida"gi PQ-38-son qarorlari hamda O'zbekiston Respublikasi Sog'liqni saqlash vazirligining 2026-yil 20-iyuldagi "2026/2027-o'quv yilida klinik ordinatura (rezidentura)ga qabulni tashkil etish chora-tadbirlari to'g'risida"gi 232-sonli buyrug'ini ijrosini ta'minlash maqsadida

BUYURAMAN

1. O'zbekiston Respublikasi Prezidentining 2020-yil 7-apreldagi "Tibbiy-sanitariya sohasida kadrlarni tayyorlash va uzluksiz kasbiy rivojlantirishning mutlaqo yangi tizimini joriy etish chora-tadbirlari to'g'risida"gi PQ-4666-son va 2024-yil 22-yanvardagi "Sog'liqni saqlash sohasida islohotlarni chuqurlashtirish bo'yicha qo'shimcha chora-tadbirlar to'g'risida"gi PQ-38-son qarorlari hamda O'zbekiston Respublikasi Sog'liqni saqlash vazirligining 2026-yil 20-iyuldagi "2026/2027-o'quv yilida klinik ordinatura (rezidentura)ga qabulni tashkil etish chora-tadbirlari to'g'risida"gi 232-sonli buyrug'i ma'lumot va ijro uchun qabul qilinsin.

Mas'ullar: ilmiy ishlar va innovatsiya bo'yicha prorektor K.Z.Salaxiddinov, qabul komissiyasi mas'ul kotibi X.A.Kurbanov.

2. Quyidagilar:

- klinik ordinatura (rezidentura) orqali tibbiyot kadrlarni 2026/2027 o'quv yilida tayyorlash bo'yicha mutaxassisliklar va ularga muvofiq keluvchi bakalavriat ta'lim yo'nalishlari **ro'yxati** Sog'liqni saqlash vazirligining 2026-yil 20-iyuldagi 232-sonli buyrug'ining 1-ilovasiga muvofiq;

- 2026/2027 o'quv yilida institut kesimida klinik ordinatura (rezidentura)ga **umumiy va maqsadli qabul rejasi** Sog'liqni saqlash vazirligining 2026-yil 20-iyuldagi 232-sonli buyrug'i 2-ilovasining Andijon davlat tibbiyot instituti uchun berilgan bandiga muvofiq;

- klinik ordinator (rezident)larini "O'zbekistonni rivojlantirish strategiyasi. Fuqarolik jamiyati" fanini o'qitish uchun Ijtimoiy gumanitar fanlar kafedrasiga birlashtirilishi Sog'liqni saqlash vazirligining 2026-yil 20-iyuldagi 232-sonli buyrug'i 4-ilovasidagi Andijon davlat tibbiyot instituti uchun berilgan bandiga muvofiq;

- 2026/2027 o'quv yilida klinik ordinatura (rezidentura)ga qabul qilish to'g'risidagi **hisobot shakllari** Sog'liqni saqlash vazirligining 2026-yil 20-iyuldagi 232-sonli

buyrug‘ining 5- ilovasiga muvofiq;

- klinik ordinatura (rezidentura)ga o‘qishga qabul qilish uchun hujjat topshirish va tanlov o‘tkazish tartibi Sog‘liqni saqlash vazirligining 2026-yil 20-iyuldagi 232-sonli buyrug‘ining 6-ilovasiga muvofiq tasdiqlansin.

- 2026/2027 o‘quv yilida Andijon davlat tibbiyot instituti klinik ordinatura (rezidentura) va internatura qabuli bo‘yicha **mas’ul kotibi etib A.G‘.Ketmonov belgilansin;**

- qabul komissiyasi mas’ul kotibiga **medtoifa.ssv.uz** axborot tizimi orqali talabgorlarning hujjatlarini qabul qilish vazifasi yuklatilsin;

- talabgor hujjatlarni medtoifa.ssv.uz axborot tizimi orqali elektron shaklda topshiradi hamda bir qabul mavsumida faqat bitta ta’lim tashkiloti va bitta mutaxassislikni tanlashligi;

- qabul jarayonida talabgorlarning teng huquqliligi, shaffoflik, xolislik va axborot ochiqligi ta’minlanadi, shuningdek, shaxsga doir ma’lumotlarni himoya qilish hamda manfaatlar to‘qnashuvining oldini olish choralariga rioya etilishligi;

- test sinovi o‘tkaziladigan fanlar majmuasi, baholash mezonlari, tavsiya etiladigan adabiyotlar ro‘yxati, test sinovining joyi va vaqti hujjatlarni qabul qilish boshlanishidan oldin Tibbiyot va farmatsevtika xodimlarining malakasini baholash markazining rasmiy veb-saytida e’lon qilinishligi;

- ikkinchi tor soha mutaxassisligini egallash uchun klinik ordinaturaga qabul faqat talabgorning o‘z mablag‘lari hisobidan to‘lov-kontrakt asosida amalga oshirilishligi;

- budjet mablag‘lari hisobidan o‘qitiladigan o‘rinlar soni ushbu maqsadlar uchun Davlat budjetida nazarda tutilgan moliyalashtirish hajmi doirasida belgilanishligi;

- eng yuqori balning kamida 30 foizini to‘plagan hamda reyting natijalariga ko‘ra tasdiqlangan qabul parametrlari doirasida tanlovdan o‘tgan talabgorlar o‘qishga qabul qilinishligi;

- klinik ordinatura (rezidentura)ga qabul rejasida belgilangan o‘rinlar soni bo‘yicha eng past ball olgan talabgorning bali bilan undan keyingi talabgor(lar)ning bali bir xil bo‘lganda, ularning barchasi to‘lov-kontrakt asosida qabul qilinadi; ajratilgan grant o‘rinlari sonidan ortiq bir xil ball to‘plagan talabgor(lar)ning grant asosida o‘qitilishi uchun zarur mablag‘lar joriy yilda ajratilgan, biroq bo‘sh qolgan grant o‘rinlari doirasida yoki talabgor hujjat topshirgan muassasa (tashkilot)ning budjetdan tashqari mablag‘lari hisobidan qoplanilishi;

- tanlov jarayonlari talabgorning tanlagan mutaxassisligiga mos ravishda tegishli bakalavriat ta’lim yo‘nalishlari fanlari negizida bir bosqichli **test sinovi shaklida** Tibbiyot va farmatsevtika xodimlarining malakasini baholash markazi (keyingi o‘rinlarda-Markaz) tomonidan o‘tkazilishi ma’lumot uchun qabul qilinsin.

Mas’ullar: ilmiy ishlar va innovatsiya bo‘yicha prorektor K.Z.Salaxiddinov, O‘quv ishlar prorektori Z.N.Mamasoliyev, qabul komissiyasi mas’ul kotibi X.A.Kurbanov, klinik ordinatura (rezidentura)ga qabul bo‘yicha **mas’uli A.G‘.Ketmonov.**

3. Vazirlar Mahkamasining 2022-yil 19-sentabrdagi 510-son “Birlamchi tibbiy -sanitariya muassasalarida faoliyat yuritayotgan shifokorlarning oylik ish haqiga qo‘shimcha har oylik ustama to‘lanadigan olis va chekka hududlar ro‘yxatini tasdiqlash to‘g‘risida”gi qarorining 1-band 4-xatboshisi talablariga olis va chekka hududlarda uzluksiz uch yil faoliyat yuritgan shifokorlar klinik ordinatura (rezidentura)ga test sinovlarisiz qabul qilinishi inobatga olinsin.

4. 2026/2027-o'quv yilidan boshlab "Oilaviy shifokorlik" mutaxassisligi bo'yicha klinik ordinatura (rezidentura)ga maqsadli davlat granti asosida qabul hamda o'quv jarayoni tashkil etilsin.

Mas'ullar: ilmiy ishlar va innovatsiya bo'yicha prorektor K.Z.Salaxiddinov, O'quv ishlar prorektori Z.N.Mamasoliyev, qabul komissiyasi mas'ul kotibi X.A.Kurbanov, klinik ordinatura (rezidentura)ga qabul bo'yicha **mas'uli A.G'.Ketmonov**.

5. 2026/2027 o'quv yilida N.I.Pirogov nomidagi Rossiya milliy tadqiqot tibbiyot universitetida O'zbekiston Respublikasi fuqarolari ta'lim oladigan ordinatura dasturlari ro'yxati Sog'liqni saqlash vazirligining 2026-yil 20-iyuldagi 232-sonli buyrug'ining 7 -ilovasiga muvofiq tasdiqlansin.

Mazkur buyruqning 7-ilovasi bilan tasdiqlangan ordinatura mutaxassisliklariga o'qishga qabul qilingan O'zbekiston Respublikasi fuqarolarining **o'qish to'lov-kontrakt summasi** Sog'liqni saqlash vazirligi huzuridagi Tibbiyotni rivojlantirish davlat maqsadli jamg'armasi mablag'lari hisobidan qoplanishligi;

Toshkent davlat tibbiyot universiteti rektori (Sh.Boymuradov) talabgorlarning N.I.Pirogov nomidagi Rossiya milliy tadqiqot tibbiyot universiteti klinik ordinatura mutaxassisliklariga qabul bo'yicha onlayn formatda hujjat topshirishi va kirish test sinovlarida ishtirok etishini markazlashgan holda tashkil etishligi ma'lumot uchun qabul qilinsin.

6. 2026/2027 o'quv yilidan boshlab, O'zbekiston Respublikasi Sog'liqni saqlash vazirligi tomonidan belgilanadigan mutaxassisliklar bo'yicha tayanch oliy tibbiy ma'lumotga ega bo'lgan shifokorlar, ilgari klinik ordinatura (rezidentura), internatura yoki magistraturani tamomlagan hamda ixtisosidan tashqari ikkinchi mutaxassislikni olishni xohlagan tibbiyot kadrlari (keyingi o'rinlarda - talabgor)ning shifokorlik mutaxassisliklari bo'yicha klinik ordinatura (rezidentura)ga qabul qilish uchun hujjat topshirish va tanlov o'tkazish jarayonlari Sog'liqni saqlash vazirligining 2026-yil 20-iyuldagi 232-sonli buyrug'ining 6-ilovasiga muvofiq amalga oshirilsin.

7. Qabul komissiyasi mas'ul kotibi X.A.Kurbanov, klinik ordinatura (rezidentura)ga qabul bo'yicha **mas'uli A.G'.Ketmonovlarga:**

klinik ordinatura (rezidentura)ga talabgorlarning hujjatlari ommaviy axborot vositalarida tanlov e'lon qilingan kundan boshlab, joriy yilning **20-avgust soat 23:59 ga qadar qabul qilinsin;**

talabgorlar va ularning ota-onalarini qiziqtirgan savollarga javob berish uchun tashkilotlarda haftaning dushanba-shanba kunlari soat 9:00-18:00 gacha (20-iyundan 10-sentyabrgacha bo'lgan muddatda) ishlaydigan murojaatlar markazi ("Call markaz") faoliyati tashkil etilsin;

2026-yil 11-avgustga qadar test sinovlarini tashkil etish bo'yicha Markaz bilan shartnoma rasmiylashtirsin va xarajatlarni tasdiqlangan smeta hamda shartnoma shartlariga muvofiq moliyalashtirsin;

tanlov o'tkazish tadbirlarini bajarish bilan bog'liq xarajatlarni qoplash maqsadida klinik ordinatura (rezidentura) va internaturaga tanlovda ishtirok etish xohishini bildirgan talabgordan tibbiyot yoki ta'lim tashkiloti hisob raqamiga bazaviy hisoblash miqdorining yarim barobari miqdorida undiriladigan tushumni tibbiyot xodimlarini qayta tayyorlashdan tushadigan mablag'lar sifatida shakllantirilsin;

xorijiy davlatlarda tibbiyot oliy ta'lim tashkilotlarini tamomlagan O'zbekiston Respublikasi fuqarolarining oliy tibbiy ma'lumot to'g'risidagi hujjatlari belgilangan tartibda tan olinganligini tekshirsin;

2026-yil 24-avgustga qadar hujjat topshirgan talabgorlar to'g'risidagi ma'lumotlarni 5-ilovaning 1-shakli bo'yicha Tibbiyot ta'limi va ilm-fan departamentiga taqdim etsin;

2026-yil 25–30-avgust kunlari Markaz va uning hududiy bo'linmalari tomonidan o'tkaziladigan test sinovlarida talabgorlarning belgilangan vaqtda ishtirok etishini, bunda, imtihon o'tkaziladigan hududlardagi oliy tibbiy ta'lim muassasalarining imtihon xonalarini Markaz boshqaruviga tekin foydalanishga berish, talabgorlar uchun zarur shart-sharoitlar yaratish, jamoat xavfsizligi qoidalariga amal qilish, elektr energiyasi va internet tarmog'ining uzluksiz ishlashi choralarini ko'rsin;

qabul natijalari bo'yicha 2026-yil 7-sentabrga qadar 5-ilovaning 2-shakli bo'yicha hisobotni Tibbiyot ta'limi va ilm-fan departamentiga taqdim etsin;

tanlov natijalari va Komissiya xulosasi asosida klinik ordinatura (rezidentura)ga qabul qilish to'g'risidagi buyruqlarni 2026-yil 10-sentabrga qadar rasmiylashtirsin;

talabgorlar va fuqarolarning murojaatlarini qonunchilikda belgilangan muddatlarda xolis ko'rib chiqsin, noto'g'ri yoki to'liq bo'lmagan axborot tarqatilishining oldini olsin.

8. Ushbu buyruq ijrosining nazoratini o'z zimmamda qoldiraman.

Rektor



M.M.Madazimov